

〔明〕張之象 編
〔日〕中島敏夫 整理

唐詩類苑

四

上海世紀出版股份有限公司
上海古籍出版社

唐詩類苑 四 目錄

卷一〇七	人部	三
卷一〇八	人部	二八
卷一〇九	人部	四六
卷一一〇	人部	五九
卷一一一	人部	八四
卷一二二	人部	一〇二
卷一二三	人部	一二〇
卷一二四	人部	一四〇
卷一一五	人部	一五七
卷一一六	人部	一七七
卷一一七	人部	一九三
卷一一八	人部	二〇九
卷一一九	人部	二二三
卷一二〇	人部	二三九

卷一二一	人部	二五二
卷一二二	人部	二七六
卷一二三	人部	二八二
卷一二四	人部	三〇三
卷一二五	人部	三二五
卷一二六	人部	三四四
卷一二七	人部	三六一
卷一二八	人部	三七八
卷一二九	人部	三九九
卷一三〇	人部	四二二
卷一三一	人部	四五一
卷一三二	人部	四七七
卷一三三	人部	四八六
卷一三四	人部	五一〇

唐詩類苑
(四)

明雲間張之象玄超甫纂輯

雲間杜士全道執甫編次

雲間王徹叔朗甫補訂

梁谿曹仁孫伯安甫校正

別

古別離

沈佺期

白水東悠悠中有西行舟舟行有返棹水去無還流

奈何生別者戚戚懷遠遊遠遊誰當惜所悲會難收

唐詩類苑卷之二百七

自君聞芳躋青陽四五道皓月掩關生光風虛蕙樓
相思無明晦長歎累冬秋離居分遲暮高駕何淹留

古別離

孟雲卿

朝日上高臺離人怨秋草但見萬里天不見萬里道

君行本遙遠苦樂良難保宿昔夢同衾憂心常顛倒

含酸欲誰訴展轉傷懷抱結髮年已遲征行去何早

寒暄有時謝憔悴難再好人皆笑年壽死者何曾老

少壯無見期水深風浩浩

古別離

李益

雙劍欲別風心一作悽然雌沈水底雄上天江迴漢轉

兩不見雲交雨合知何年古來萬事皆由命何用臨
涕苦涕連

古別離

于漬

入室少情意出門多路岐黃鶴有歸日蕩子無還時

人誰無分命妾身何太奇君爲東南風妾作西北枝

青樓隣里婦終年畫長眉自倚對良匹笑妾空羅幃

郎本東家兒妾本西家女對門中道間終謂無離阻

豈知中道間遣作空閨主自是愛封侯非關備胡虜

知子去從軍何處無良人

古別離二首

李端

唐詩類苑卷之二百七

水國葉黃時洞庭霜落夜行舟聞商估宿在楓林下
此地送君還茫茫似夢間後期知幾日前路轉多山

巫峽通湘浦迢迢隔雲雨天晴見海橋月落聞津鼓

人老自多愁水深難急流清宵歌一曲白首對汀洲

二

與君桂陽別今君岳陽待後事忽差池前期日空在

木落鴈嗷嗷洞庭波浪高遠山雲似蓋極浦樹如毫

朝發能幾里暮來風又起如何兩處愁皆在孤舟裏

昨夜天月明長川寒且清菊花開欲盡薺菜拍來生

下江帆勢速五兩遙相逐欲問去時人知投何處宿

空令猿嘯時泣對湘潭竹

古別離

王縉

下階欲離別相對映蘭叢含辭未及吐淚落蘭叢中
高堂靜秋日羅衣飄暮風誰能待明月迴首見牀空

古別離

僧皎然

太湖三山口吳王在時道寂寞千載心無人見春草
誰堪緘怨者持此傷懷抱孤舟畏狂風一點宿煙島
望所思兮若何月蕩漾兮空波雲離離兮北斷鴈眇
眇兮南多身去兮天畔心折兮湖岸春山胡爲兮塞
路使我歸夢兮撩亂

唐詩類苑

卷之二百七

三

古別離

聶夷中

欲別牽郎衣問郎遊何處不恨歸日遲莫向臨邛去

古別離二首

施肩吾

古人謾歌西飛燕十年不見狂夫面三更風作切夢
刀萬轉愁成繫腸線所嗟不及牛女星一年一度得
相見

老母別愛子少妻送征郎血流既四面乃亦斷二腸
不愁寒無衣不怕饑無糧惟恐征戰不還鄉母化爲
鬼妻爲婦

古別離

吳融

紫燕黃鸝雖別離一舉千里何難追猶聞啼風與叫
月流連斷續令人悲賦情更有深繾綣碧甃千尋尚
爲淺蟾蜍正向清夜流蛺蝶須教隨絲綆莫道斷絲
不可續丹穴鳳凰膠不遠草草通流水不迴海上兩
潮長自返

古別離

王適

昔歲驚楊柳高樓悲獨守今年芳樹枝孤棲怨別離
珠簾晝不卷羅幔曉長垂苦調琴先覺愁容鏡獨知
頻年鴈去無消息罷却鴛紋何用織夜還羅帳空有
情春着裙腰自無力青軒桃李落紛紛庭蘭蕙日
氛氲已能憔悴今如此更復含情一待君

唐詩類苑

卷之二百七

四

古別離

邵謁

十五爲君婚二十君入門自從入戶後見君長出門
朝看相送人暮看相送人若遣折楊柳此地樹無根
願爲陌上土得作馬蹄塵願爲曲木枝得作雙車輪
安得太行山移來君馬前

古別離

常理

君御狐白裘妾居綳綺幃粟鈿金夾膝花錯玉搔頭
離別生庭草征行斷戍樓蟪蛄網清曙菖蒲落紅秋
小膽空房怯長眉滿鏡愁爲傳兒女意不用遠封侯

古離別

姚係

涼風已嫋嫋露重木蘭枝獨上高樓望行人遠不知
輕寒入洞戶明月滿秋池燕去鴻方至年年是別離

古離別二首

趙微明

離別無遠近事懽情亦悲不聞車輪聲後會將何時
去日忘寄書來日乖前期縱知明當還一夕千萬思

二

違別未幾日一日如三秋猶疑望可見日日上高樓
唯見分手處白蘋滿芳洲寸心寧死別不忍生離愁

古離別二首

孟郊

唐詩類苑

卷之五

五

松山雲繚繞萍路水分離雲去有歸日水分無合時
春芳役雙眼春色柔四肢楊柳織別愁千條萬條絲

二

山川古今路縱橫無斷絕來往天地間人皆有離別
行衣未束帶中腸已先結不用看鏡中自知生白髮
欲陳去留意聲向言前咽愁結填心胃茫茫若爲說
荒郊煙莽曠野風淒切處處得相隨人那不如月

古離別

顧况

西江上風動麻姑嫁時浪西山爲水水爲塵不是人
間離別人

古離別

僧貫休

離恨有旨酒古今飲皆醉只恐長江水盡是兒女淚
伊余非此輩送人空把臂他日再相逢清風動天地

古離別

韋莊

晴煙漠漠柳毵毵不那離情酒半酣更把馬鞭雲外
指斷腸春色在江南

生別離

孟雲卿

結髮生別離相思復相保何如日已久五變庭中草
渺渺天海途悠悠吳江島但恐不出門出門無遠道
遠道行既難家貧衣服單嚴風吹積雪晨起鼻何酸

唐詩類苑

卷之二十七

六

人生各有戀一作志豈不懷所安分明天上日生死誓
同觀

生別離

白居易

食藥不易食梅難藥能苦兮梅能酸未如生別之爲
難苦在心兮酸在肝晨鷄載鳴殘月沒征馬重一作連

嘶行人出迴看骨肉哭一聲梅酸藥苦甘如蜜黃河
水白黃雲秋行人河邊相對愁天寒野曠何處宿棠
梨葉戰風颼颼生離別生離別憂從中來無斷絕憂
極心勞血氣衰末年三十生白髮

久別離

李白

別來幾春未還家玉牕五見櫻桃花况有錦字書開
緘使人嗟至此腸斷彼心絕雲鬟綠鬢罷攬一作梳結
愁如迴飊亂白雪去年寄書報陽臺今年寄書重相
催東風兮東風爲我吹行雲使西來待來竟不來落
花寂寂委青苔

遠別離

李白

遠別離古有皇英之二女乃在洞庭之南瀟湘之浦
海水直下萬里深誰人不言此離苦日慘慘兮雲冥
冥惺惺啼煙兮鬼嘯雨我縱言之將何補皇穹竊恐
不照予之忠誠雲憑憑兮欲吼怒堯舜當之亦禪禹

唐詩類苑

卷之二百七

七

君失臣兮龍爲魚權歸臣兮鼠變虎或言堯幽囚舜
野死九疑連綿皆相似重瞳孤墳竟何是帝子泣兮
綠雲閒隨風波兮去無還慟哭兮遠望見蒼梧之深
山蒼梧山崩湘水絕竹上之淚乃可滅

遠別離

張籍

蓮葉團團杏花折長江鯉魚鱗鱗赤念君少年棄親
戚千里萬里獨爲客誰言遠別心不易天星墜地能
爲石幾時斷得城南陌勿使居人有行役

遠別離二首

令狐楚

楊柳黃金穗梧桐碧玉枝春來消息斷早晚是歸時

二

玳織鴛鴦履金裝翡翠簪畏人相問著不擬到城南

今別離

崔國輔

送別未能旋相望連水口船行欲映舟幾度急搖手

新別離

戴叔倫

手把杏花枝未曾經別離黃昏掩閨後寂寞自心知

暗別離

劉氏瑤

花結子桐葉焦單飛越鳥啼青霄翠軒輾雲輕過
燕淚迸紅線條瑤草歇芳心耿耿玉珮無聲畫
屏冷朱絃暗斷不見人風動花枝月中影青鸞脉脉

唐詩類苑

卷之二百七

八

西飛去海濶天高不知處

潛別離

白居易

不得哭潛別離不得語暗相思兩心之外無人知深
籠夜鎖獨棲鳥利劍春斷連理枝河水雖濁有清日
烏頭雖黑有白時唯有潛離與暗別彼此甘心無後
期

古怨別

孟郊

颯颯秋風生愁人怨離別含情兩相向欲語氣先咽
心曲千萬端悲來却難說別後唯所思天涯共明月

怨別

孟郊

一別一迴老志士白髮早在富易爲容居貧難自好
沈憂摧性靈服藥亦枯槁秋風遊子衣落日行遠道
君問去何之賤身難一作寧自保

離怨三首

孟郊

憶人莫至悲至悲空自哀寄人莫剪衣剪衣未必歸
朝爲雙帶花暮爲四散飛花落却遶樹遊子不顧期

二

天桃花清晨遊女紅粉新天桃花薄暮遊女紅粉故
樹有百年花人無一定顏花送人老盡人悲花自閒

三

唐詩類苑

卷之百七

九

貧女鏡不明寒花日少容暗蛩有虛織短線無長縫
浪水不可照狂夫不可從浪水多散影狂夫多異蹤
持此一生薄空成萬一作百恨濃

離別難

樂府雜錄曰離別難武后朝有一士人陷冤獄籍
其家妻配入掖庭善吹簫粟乃撰此曲以寄情焉
初名大郎神蓋取良人第行也既畏人知遂三易
其名曰悲切子終號怨回鶻云

此別難重陳花飛復變人來時梅覆雪去日柳含春
物候催行客歸途淑氣新剡川今已遠魂夢暗相親

離會曲

張說

何處送客洛橋頭洛水汎汎中行舟可憐河樹葉歲
衰關關河鳥聲相思街鼓喧喧日云夕去棹歸軒兩
相迫何人送客故人情故人今夜何處客

別離曲

張籍

行人結束出門去馬蹄幾時踏門路憶昔君初納綵
時不言身屬邊陽戍早知今日當別離成君家計良
爲誰男兒生身自有役那得悞我少年時不如逐君
征戰死誰能獨老空閨裏

別離曲

陸龜蒙

唐詩類苑

卷之百七

十

丈夫非無淚不灑離別間仗劍對樽酒耻爲遊子顏
蝮蛇一螫手壯士疾解腕所思在功名離別何足歎

三年別

白居易

悠悠一別已三年相望相思明月天腸斷青天望明
月別來三十六迴圓

夷陵郡內叙別

楊衡

禮娶嗣明德同牢夙所欽况蒙生死契豈顧蓬蒿心
鴈幣任野薄恩愛緣義深同聲若鼓瑟合韻似鳴琴
將迓空未立就贅意難任皎月託言誓滄波信浮沈
荆臺理晨撤巫清疑宵襟憫憫百慮起回回萬恨侵

候促徒侶更先曉
徹夜衾燈彩凝寒
風蟬思噪密林
留念心帶贈遠同
芙蓉簪撫懷秘投
漆感物重黃金
分鸞豈還阻
劍念相尋倘甘蓬
戶賤願候故山岑

欲別

項斯

花時人欲別每日醉櫻桃
買酒金錢盡彈箏玉指勞
歸期無歲月客路有風濤
錦段裁衣贈麒麟落剪刀

惜別

李咸用

細雨粧行色霏霏入戶來
須知相識喜却是別愁媒
白刃方盈國黃金不上臺
俱爲鄉客何處免塵埃

灞上感別

羅鄴

唐詩類苑

卷之二百七

十一

灞水何人不別離
無家南北倚堪悲
十年此路花時節
立馬沾襟酒一卮

河梁別

馬戴

河梁送別者行哭半非親
此路足征客胡天多殺人
金鑿照離思寶瑟凝殘春
早晚期相見垂楊凋復新

祖席得前字

韓愈

祖席客橋邊親交共黯然
野晴山簇簇霜曉菊鮮鮮
書寄相思處孟銜欲別前
淮陽知不薄終願早迴船

秋字

韓愈

淮南悲木落而我亦傷秋
况與故人別那堪羈宦愁

榮華今異路風雨苦同憂
莫以宜春遠江山多勝遊

離席

李商隱

出宿金樽掩從公玉帳新
依依向餘照遠隔芳塵
細草翻驚鴈殘花伴醉人
楊朱不用勸只是更沾巾

杜工部蜀中離席

李商隱

人生何處不離群
世路干戈惜暫分
雪嶺未歸天外使
松州猶駐殿前軍
座中醉客延醒客
江上晴雲雜雨雲
美酒成都堪送老
當壚仍是卓文君

各東西

張籍

遊人別一東復一西
出門相背兩不返
惟信車輪與

唐詩類苑

卷之二百七

十二

馬蹄道路悠悠不知處
山高海濶誰辛苦
遠遊不定難寄書
日日空尋別時語
浮雲上天雨墮地
暫時會合終離異
我今與子非一身
安得死生不相棄

別蘇州

白居易

浩浩姑蘇民鬱鬱長洲城
來慚荷寵命去愧無能名
青紫行將吏斑白列黎甿
一時臨水拜十里隨舟行
餞筵猶未收征棹不可停
稍隔煙樹色尚聞絲竹聲
悵望武丘路沈吟潁水亭
還鄉信有與去郡能無情

別舊山

于鵠

舊伴同遊盡却回
雲中獨宿守花開
自是去人身漸

老暮山流水任東來

春江恨別

羅 鄴

望斷長川一葉舟，可堪歸路更沿流。
重來別處無人見，芳草斜陽滿渡頭。

春別

章 碣

擲下離觴指亂山，趨程不待鳳笙殘。
花邊馬嚼金銜去，樓上人垂玉筍看。
柳陌雖然風裊裊，河猶自雪漫漫。
殷勤莫厭貂裘重，恐犯三邊五月寒。

板橋曉別

李商隱

迴望高城落曉河，長亭窻戶壓微波。
水仙欲上鯉魚

唐詩類苑

卷之三百七

十三

去一夜芙蓉紅淚多

夜別筵

夜長酒闌燈花長，燈花落地復落牀。
似我別淚三四行，滴君滿坐之衣裳。
與君別後淚痕在，年年着衣心莫改。

別夜

羅 鄴

秋入江天河漢清，迢迢鐘漏出孤城。
金波千里別來夜，玉筍兩行流到明。
若在人間須有恨，除非禪伴始無情人。
間誰有 聚散自然惆悵生

別弟縉後登青龍寺望藍田山

王 維

陌上新別離，蒼茫四郊晦。
登高不見君，故山復雲外。
遠樹蔽行人，長天隱秋塞。
心悲宦遊子，何處飛征蓋。

喜見外弟又言別

李 益

十年離亂後，長大一相逢。
問姓驚初見，稱名憶舊容。
別來滄海事，語罷暮天鐘。
明日巴陵道，秋山又幾重。

別裴九弟

賈 至

西江萬里向東流，今夜江邊駐客舟。
月色更添春色好，蘆風似勝竹風幽。

別穀郎二首

元 稹

唐詩類苑

卷之三百七

十四

爾爺只爲一盃酒，此別那知死與生。
兒有何辜才七歲，亦教兒作瘡江行。

愛惜爾爺惟有我，我今顛顛望何人。
傷心自比籠中鶴，剪盡翅翎愁到身。

辭二知己

賈 島

一雙千歲鶴，立別孤翔鴻。
彼鳥忽已暮，海雨寒濛濛。
離人聞 逢 美彈亦與哀彈同。
况茲切切弄繞彼，行躬雲飛北嶽碧。
火息西山紅，何以代遠誠折芳臘雪中。

別親朋

鄭蜀賓

蜀賓善五言小詩年老爲江左一尉親朋餞於上東門蜀賓賦此詩酒酣咏歌聲調哀戚後竟卒於官

畏途方萬里生涯近百年不知將白首何處入黃泉

春夜別友人二首

陳子昂

見本部交游

京還別新豐友

孟浩然

吾道昧所適驅車還向東主人開舊館留客醉新豐樹繞溫泉綠塵遮晚日紅拂衣從此去高步躡華嵩

夜與故人別

于武陵

唐詩類苑

卷之二百七

十五

白日去難駐故人非舊容今宵一別後何處更相逢過楚水千里到秦山萬幾一作重話一作來天未又

曉落月滿城鐘

別睢陽故人

少小客遊梁依然似故鄉城池經戰陣人物恨存亡

夏雨桑條綠秋風稻穗黃有書無寄處相送一沾裳

別友人

僧惟審

一身無定處萬里獨銷魂芳草迷歸路春衣滴淚痕幾時休旅食何夜宿江村欲識異鄉苦空山啼暮猿

杭州秋日別故友

長孫佐輔

相見又相別大江秋水深悲歡一世事去住兩鄉心浙瀝籬下葉淒清階上琴獨隨孤棹去何處更同衾

襄國別友

張籍

曉色荒城下相看秋草時獨遊無定計不欲道來期別處去家遠愁中驅馬遲歸人渡煙水遙映野棠枝

別友人

戴叔倫

擾擾倦行役相逢陳蔡間如何百年內不見一人閒對酒惜餘景問程愁亂山秋風萬里道又出穆陵關

別所知

李咸用

唐詩類苑

卷之二百七

十六

有路有西東天涯自恨同却須深酌酒況不比飄蓬帆冒新秋雨鼓傳微浪風聞牽寒氣早何浦值賓鴻

邊遊別友人

張嶺

欲別不止淚當杯難強歌家貧隨日長身病涉寒多雨雪迷燕路田園隔楚波良時未自致歸去欲如何

淮上與友人別

鄭谷

楊子江頭楊柳春楊花愁殺渡江人數聲風笛離亭晚君向瀟湘我向秦

別友人

長孫佐輔

愁多不忍醒時別想極還尋靜處行誰遣同衾又分手不如行路本無情

竹林寺別友人

許渾

騷人吟罷起鄉愁，暗覺年光似水流。
花滿謝城傷共別，蟬鳴蕭寺喜同遊。
前山月落杉松曉，深夜風清枕簟秋。
明日分襟又何處，江南江北嶺悠悠。

別友人

黃滔

已喜相逢又怨嗟，十年飄泊在京華。
大朝多事還停舉，故國經荒未有家。
鳥帶夕陽投遠樹，人衝臘雪往邊沙。
夢魂空繫瀟湘岸，煙水茫茫蘆葦花。

別友人

黃滔

莫恨東牆下，頻傷命不通。
苦心如有感，它日自推公。

唐詩類苑

卷之一百七

別湖上主人

曹松

雨夜扁舟發，花時別酒空。
越山煙翠在，終愧臥雲翁。

別入四首

王勃

二

久客逢餘閏，他鄉別故人。
自然堪下淚，誰忍望征塵。

三

江上風煙積，山幽雲霧多。
送君南浦外，還望將如何。

四

桂船雖不駐蘭筵，幸未開林塘風月賞。
應待故人來。

霜華淨，天末霧色籠江際。
客子常畏人，何爲久留滯。

盧溪別入

王昌齡

武陵溪口駐扁舟，溪水隨君向北流。
行到荆門上三峽，莫將孤月對猿愁。

潁陽別元丹丘之淮陽

李白

吾將元夫子，異性爲天倫。
本無軒裳契，素以煙霞親。
嘗恨迫世網，銘意俱未伸。
松柏雖寒苦，羞逐桃李春。
悠悠市朝間，玉顏日緇磷。
所共重山嶽，所得輕埃塵。

唐詩類苑

卷之一百七

六

精魄漸蕪穢，衰老相憑因。
我有錦囊訣，可以持君身。
當餐黃金藥，去爲紫陽賓。
萬事難並立，百年猶崇晨。
別爾東南去，悠悠多悲辛。
前志庶不易，遠途期未遵。
已矣歸去來，白雲飛天津。

貽劉高士別

儲光義

夙駕出東城，城傍早霞散。
初日照龍門，我我在天半。
壯哉麗百常，美矣崇兩觀。
俯視趨朝客，簪珥何璀璨。
而我送將歸，徘徊灞陵岸。
北雲去吳越，南鴈離江漢。
伊昔蹈丘園，翩翩理文翰。
高譚閔仲叔，逸氣劉公幹。
每言竹柏貞，嘗輕朝市玩。
山畫猿猱靜，溪曠魚鳥亂。

寧止臥崆峒直云期汗漫聖君既理歷族士咸炳煥
矯首來天地振羽汎漪瀾元淑命不達伯鸞吟可歎
東去姑蘇臺西過陟陽館舍轡由關道浮舟滄海畔
耳目曠暄涼懷抱盈悲惋沈沈青歲晚靄靄秋雲換
自言永道棲無復從羈絆揮手謝知己知己莫能讚

別李處士

王績

爲向東溪道人來路漸賒山中春酒熟何處得停家

別沈處士

杜牧

舊事參差夢新程遷迤秋故人如見憶時到寺東樓

廣陵別鄭處士

高適

唐詩類苑

卷之二十七

九

落日知分手春風莫斷腸興來無不愜才在亦何傷
溪水堪垂釣江田耐插秧人生只爲此亦足傲羲皇

別韋處士

許渾

南北斷蓬飛別多相見稀更傷今日酒未換昔年衣
舊友幾人^{一作}在故鄉何處歸秦原向西路雲晚雪

霏霏

咸陽別李處士

項斯

古道自迢迢咸陽離別橋越人聞水處秦樹帶霜朝
駐馬言難盡分程望易遙秋前未相見此意轉蕭條

別常徵君

杜甫

兒扶猶杖策臥病一秋強白髮少新洗寒衣寬總長
故人憂見及此別淚相忘各逐萍流轉來書細作行

別孫村老人

寒食日

元稹

年年漸覺老人稀欲別孫翁淚滿衣未死不知何處
去此身終向此原歸

別客

張籍

青山歷歷水悠悠今日相逢明日秋繫馬城邊楊柳
樹爲君沽酒暫淹留

連上別王秀才

高適

飄飄經遠道客思滿窮秋浩蕩對長漣君行殊未休

唐詩類苑

卷之二十七

二十

崎嶇山海側想像無前儔何意照乘珠忽然欲暗投
東路方蕭條楚歌復悲秋暮帆使人感去鳥兼離憂
行矣當自愛壯年莫悠悠余亦從此辭異鄉難久留
贈言豈終極慎勿滯滄洲

別楊秀才

李山甫

因亂與君別相逢悲且驚開襟魂自慰拭淚眼空明
故國已無業舊交多不生如何又分袂難話別離情

衢州江上別李秀才

韋莊

千山紅樹萬山雲把酒相看日又曛一曲離歌兩行
淚更知何地再逢君

澧西別樂天博載樊宗憲李景信兩秀才姪

谷三月三十日相餞送 元 稹

今朝相送自同游酒語詩情替別愁忽到澧西總回
去一身騎馬向通州

別李主簿

孟浩然

枳棘君尚棲匏瓜吾豈繫念離當夏日漂泊指夷裔
江海非遊情田園失歸計空山既早發漁浦亦宵濟
汎汎隨波瀾行行任艤柁故林日已遠群木坐成翳
羽人在丹丘吾亦從此逝

適越留別譙縣張主簿

孟浩然

唐詩類苑

卷之二十七

三

朝乘汴河流夕次譙縣界幸因西風吹得與故人會
君學梅福隱吾從伯鸞邁別後能相思浮雲在吳會

貽丁主簿仙芝別

儲光義

赫赫明天子翹翹群秀才昭昭皇宇廣隱隱雲門開
初起聯翩予復來茲年不得意相命遊靈臺

驂騑多逸氣琳琅有清響聯行擊水飛獨影凌虛上
關河施芳聽江海徵新賞敝衽歸故山敷言播天壤
雲峰雖有異楚越幸相親既別復遊處道深情更殷
下愚忝聞見上德猶遭迍偃仰東城曲棲遲依水濱
脫巾從會府結綬歸海裔親知送河門邦族迎江漘

夫子安恬憺他人悵迢遞飛艫既眇然洲渚徒虧蔽

人謀固無準天德諒難知高名處下位逸翮棲卑枝
去去水中沚搖搖天一涯蓬壺不可見來來泛躍龍池
奉別長史庾公太守徐公應召

儲光義

烈風起江漢白浪忽如山方伯驟勤王杞人亦憂天
鄴鎬須靈晦雲龍召我賢車騎北艱苦舲舫西汭沿
水靈靜湍瀨猛獸趨後先龍樓開新陽萬里出雲間
宇宙既焜燿崇德濟巨川受命在神宗振兵猶軒轅
煌煌踰泳鹿穆穆更坤元明王朝太階遠邇望嘉言
遊子澹何思江湖將永年

唐詩類苑

卷之二十七

三

別齊太守

于鵠

花裏南樓春夜寒還如王屋上天壇歸山不道無明
月誰共相從到曉看

別殷明府

方干

許教門館久踟躕仲叔懷恩對玉壺唯有離心欲銷
客空垂雙淚不成珠

別安公賈明府

戎昱

華縣門前江水深淺於羈客報恩心把君詩卷西歸
去一度相思一度吟

別韋少府

李白

西山蒼龍門南登白鹿原欲尋南山皓猶戀漢皇恩
水國遠行邁仙經深討論洗心向溪月清耳敬亭援
築室在人境閉關無世喧多君枉高駕贈我以微言
交乃意氣合道因風雅存別離有相思瑤瑟與金尊

魏郡別蘇少府因北遊

李白

魏都接燕趙美女誇芙蓉淇水流碧玉舟車日奔衝
青樓夾兩岸萬室喧歌鐘天下稱豪貴遊此每相逢
洛陽蘇季子劍戟森詞鋒六印雖未佩軒車若飛龍
黃金數百鎰白璧有幾雙散盡空掉臂高歌賦還叩

唐詩類苑

卷之二耳

二十三

落魄乃如此何人不相從遠別隔兩河雲山杳千里
何時更杯酒再得論心胃

淇上別劉少府子英

高適

近來住淇上蕭條惟空林又非耕種時閑散多自任
伊君獨知我驅馬欲招尋千里忽攜手十年同苦辛
求仁見交態於道喜甘臨逸思乃天縱微才應陸沈
飄然歸故鄉不復問離襟南登黎陽渡蒼蒼寒雲陰
桑葉原上起河凌山下深途窮更遠別相對益悲吟

別崔少府

高適

知君少得意汶上掩柴扉寒食仍留火春風未授衣

皆言黃綬屈早向青雲飛借問他鄉事今年歸不歸

別張少府

高適

歸客留不住朝雲縱復橫馬頭向春草斗柄臨高城
嗟我久離別羨君看弟兄歸心更難道回首一傷情

晚別樂記室彥

褚亮

窮途屬歲晚臨水忽分悲抱影同爲客傷情共此時
霧色侵虛牖霜氛冷薄幃舉袂慘將別停盃悵不怡
風嚴征鴈遠雪暗轉蓬遲他鄉有岐路遊子欲何之

別劉校書

高適

昔日京華去知君才望新應猶作賦好莫歎在官貧

唐詩類苑

卷之二耳

二十四

且復傷遠別不然愁此身青楓幾萬里江上一歸人

別靈武令狐校書

馬戴

北風吹別思落月度關河樹隱流沙短山平近塞多
鴈池戎馬飲鵬帳戍人過莫慮行軍苦華夷道正和

別楊校書

王建

從軍末馬十三年白髮營中聽早蟬故作老丞身不
避縣名昭應管山泉

別李秘書始興寺所居

杜甫

不見秘書心若失及見秘書失心疾安爲動主理信
然我獨覺子神充實重聞西方止觀經老身古寺風